

西泠八家印譜

蔣仁 卷四

書羅氏巴普

光緒乙酉中夏

平湖徐惟琨題



蔣仁本名泰字階平後得古銅印文曰蔣仁遂更今
名號山堂別號吉羅居士女牀山民仁和布衣


山堂居艮山門外二里徐家橋破屋數椽不蔽風
雨面目孤冷罕與世接工篆刻而行楷書尤佳絕
不趨俗媚彭進士紹升推為當代第一郭頻伽慶
論書詩頻羅早達吉羅窮一首亦大為山堂吐氣
也阿林保雨窓官運使時延之入署偶為書蘇詩
有白髮蒼顏五十三句遂以病辭歸歿時年適符

其數後無子詩亦散佚 吳顥杭郡詩輯

山堂工書入米南宮之室毫端墨飽作一筆書六
法亦古雅長洲彭紹升見其篆刻許為當代第一
手詩灑然拔俗性頗幽潔常寓城北之張家寺 施
朝翰武林人物新志

山堂性孤冷寡言咲耽禪悅其書由米南宮上窺
二王參學孫過庭顏平原楊少師諸家興到時若
以墨濡傾紙幾難辨字而見者莫不傾倒西檀山

水詩亦清雅拔俗詠苗刀七言古詩尤膾炙人口
篆刻以鈍丁為宗而蒼勁中別饒逸致得意之作
直可抗衡如雪漁之於衡山父子也顧不輕作流
傳甚罕今益難得生平雅不喜近權貴相傳有某
中丞者慕名乞書堅不應後其人以賄敗世於是
服其遠識 光緒杭州府志擬稿



蔣山堂印

相風之車記里鼓制器尚象從往古何如此鐘解
自鳴鬼工善幻仍合矩大者為櫝復為奩小或纜
能彈丸許虛中木其廓玻璃嵌四周懸鐘于是間
穹窿如覆甌圓甕蔽之左行字始子終亥 螺蚪
靈機潛運內不息兮針右轉外可求每歷一時輒
一響殷然而起冷然幽吾聞歷象建大紀必自紬
績日分始測晨揆景倘有差歸餘履端皆失軌西
域之人善布竿其法尤密概見此無煩銅儀與土

圭足證勾股兼弧矢昔者挈壺備有司所賴渴烏
引水知季世亦傳晷刻器稱漏輪漏俱精奇何年
匠作失其式此得不仍彷彿之吁嗟乎海舶南來
疾于鳥百貨錯陳極淫巧賈胡趨恐後虛耗頗不
少懿此吉金之吉慎弗捫猶為人間報曉昏聞房
淨几位置宜默聽清音心了了不離三百六十五
度運行中直達八十三萬餘里元氣表吾聞羣苗
洗兒以鐵賀鑄為長刀百鍊過君之所佩毋乃是
當軒拔鞘寒生座氣干虹霓利削鐵柔可繞身劄

不折旁行螺結篆姓名迎及殷紅繡膏血憶昔古
州犯順年太平宰相輕開邊侵凌詎識嗟無告焚
掠甯關性本然此刀斬馬稱難敵苗平乃被吾人
得請論改土與歸流始惡凶頑終憫惜五尺銛鋒
久不礮光芒中夜猶驚夢蒯緱豈有珠玉裝夫君
寶此知何用君不聞昨朝庫車捷音至西方萬里
銷兵氣不逢不若無所試君曷賣之買犢從農事
右自鳴鐘苗刀詩二首歲久遺亡庚子冬日得之
敗麓因刻於此山堂蔣仁記



山堂

山堂

山堂





山堂

山堂

卷之二

四

蔣山堂



卷之二

四

吉羅盒



吉羅盒

吉羅盒

吉羅盒

吉羅盒

翁承高印

甲辰大寒前二日篆為柳湖詞長女牀山民仁



項壩之印

春雨連旬畏寒不出秋子先生索作名印信手為
此未足供大雅清賞也癸丑二月晦日蔣仁記



沈船印

壬寅十月十八日揚州旅次女牀刻為笠人詞長
并跋



浸云

磨兜堅室曉霽甲辰芒種前一日仁



書稼

邵四右庵之子書稼英年汲古為作名印甲寅收
鐙日吉羅居士



無地不樂

辛丑臘八日同人醵飲西堂先生琴書詩畫巢出
示所藏吳文定王文成手札紙墨斬新神彩奕奕
有翁蘿軒跋尾万九沙八分題卷首曰合之雙美
無所住盦舊物也惜為不曉青黃皂白人印記跋
語令人作惡後四日磨兜堅室晨起為西堂製此
印猶 湔袂塵埃氣未盡迺知世間自有佛頭著
糞人也女牀山民蔣仁是夜雷雨大作



真水無香

乾隆甲辰穀日同三竹秋雀思蘭雨集浸雲燕天
堂觥籌達曙遂至洪醉次晚歸雪中為翁柳湖書
扇十二日雪霽老農云自辛巳二十餘年來無此
快雪也十四日立春玉龍天矯危樓傲兀重醞一
杯為浸雲篆真水無香印迅疾而成憶余十五年
前在隱拙齋與粵西董植堂吾鄉徐秋竹桑際陶
沈莊士作銷寒會見金石彝鼎及諸家篆刻不少
繼交黃小松窺松石先生枕秘嘆硯林丁居士之

印猶浣花詩昌黎筆拔萃出羣不可思議當其得
意超秦漢而上之歸李文何未足比擬此仿居士
數颿臺之作乃直沽查氏物而晚芝丈藏本也浸
雲嗜居士印具神解定結契酸鹹之外然不足為
外人道為魏公藏拙尤所望焉蔣仁

韓江羅雨峯親家裝池生僻衡夫儲燈明凍最
夥不滿丁印余曰螻螂轉彼知蘇合香為何物
哉女牀又記 轉下遺糞字



樂安書屋

樂安書屋記

邵志純撰蔣仁篆印并為刻記戊申九月吉羅菴記

初先府君自泉塘保安里遷居芝松里顏其藏書之屋曰樂安是為乾隆丙子純初生之歲也比長日侍府君聞客之來謁者叩府君曰君固康節之裔也康節有安樂窩而易之曰樂安敢聞其指府君曰從容中道則安而樂深造自得則樂而安夫未有不深造而能從容者也先康節學於百原冬不鑪夏不扇夜不就席者數年又走吳楚齊魯梁

晉之地然後歸而嘆曰道其在是矣後之人不深知康節凡厭拘束惡精詳者爭效慕之而朱子力言其不易及嗚乎微朱子則先康節內聖外王之學其不侔於晉人之清譚也幾希矣吾所以由樂而幾於安者竊懼夫襲古賢人君子之名而亡其實也客又曰安莫安於王政平樂莫樂於年穀登康節之銘吾取乎其不矜也府君曰至德若孔子而稱聖則不居大賢若孟子而說詩則意斷今夫勸其說而於吾躬無所勸與夫異其解而於末學

有所懲此君子所謂不違而道也吾之言安樂樂
安吾亦意為斷而已矣純是時聞而心識之勿敢
忘蓋府君生平言行教純之兄與純者大率不出
此義越歲己亥自芝松里遷居仁和義蘇里是秋
府君歿又五年治其西偏仍樂安之舊蔣山堂仁
為書榜云



吉羊止止

辛丑小除夕磨兜堅室飯罷為紉蘭居士製此印
頗覺超逸惜鈍丁老人不及見也女牀山民蔣仁
燈下記

